

營山縣志卷之十一

食貨志

周官八政一曰食二曰貨蓋立政莫先於養民而生財必歸於大道此農桑樹畜所以垂爲萬世之經而裕爲不涸之源也營邑地屬偏隅俗敦古處耕田鑿井之風自饒樂利三稻八蠶而外絕少奇謀瓜壺葵棗之繁滋園廛漆林之碩茂豐美潤澤一望而知其爲富庶之邦矣然而食毛踐土敢忘率育之功解慍阜財並受平康之福僉曰此非吾

營山縣志

卷十一

食貨志

一

儕小人之力也仰賴

朝廷薄賦輕徭樽節愛養所爲惜貨力而厚民生者垂二百餘年矣良耜屢豐之詩歸美於天子其卽此意也哉志食貨

營山縣志卷之一

食貨志

蠲政

康熙二十五年爲欽奉

上諭事內開四川昔年爲賊竊踞民遭苦累幸獲甯字
更宜培養以厚民生用昭愷澤於二十六年蠲免
錢糧

康熙三十二年爲欽奉

上諭事內開四川邊地土壤磽瘠民生艱苦普施

營山縣志

卷十一

食貨志

二

恩於三十三年將應徵地丁銀米通行蠲免

康熙四十二年爲欽奉

恩詔事內開四川屬極邊之地未經巡視宜更施

恩於四十三年將應徵各項地丁錢糧通着蠲免

康熙四十九年爲欽奉

恩詔事內開四川應徵五十年地畝條銀俱着蠲免

雍正七年爲欽奉

上諭事內開四川等因用兵西藏及剿撫苗蠻糧餉轉
輸有資民力藏地苗疆俱已靜謐特沛

恩膏將四川等五省額徵地丁銀悉行蠲免

乾隆十年爲欽奉

上諭事內開直省偶被水旱賑濟多在常格之外江南被水撫綏安插計費帑金千餘萬兩因思海宇乂安特頒

恩旨將天下地丁錢糧普免一次四川輪於十一年全行蠲免

乾隆十三年爲欽奉

上諭事內開大金川逆酋不法分辦夫糧民俱踴躍急

營山縣志

卷十一

食貨志

三

公分別酌免將本年地丁錢糧寬免十分之三
乾隆十四年爲欽奉

上諭事內開大金川平定奏凱連年分辦夫糧民力不無拮据深爲軫念分別酌免將本年地丁錢糧寬免十分之三

乾隆三十五年正月元旦奉

上諭內開今年爲朕六十誕辰明歲恭逢

聖母八旬萬壽著自乾隆三十五年爲始將各省應徵錢

糧通行蠲免一次詳議具奏欽此部議分作三年

以次辦理四川省地丁錢糧於辛卯年全行蠲免
乾隆三十七年爲欽奉

上諭事內開四川剿辦小金川逆酋一切糧餉軍械間
亦酌用民力以資運送施

恩分別蠲緩以示優獎酌_{等定}第刊發膳黃營山係分辦
夫糧未經官兵過境列在三等酌免本年地丁錢
糧寬免十分之五其蠲剩緩徵銀兩續又奉文全
免

乾隆三十九年奉

營山縣志

卷十一

食貨志

四

上諭內開小金川境壤全行收復乘勝迅剿大金川一
切糧運軍儲不無尚資輓負特加優獎更沛春膏
將營山仍照酌定等第本年錢糧酌免十分之五
乾隆四十一年三月二十一日奉

上諭內開茲兩金川全境蕩平大勲克集念川省百姓
踴躍急公自宜廣沛渥恩以昭優恤其西充營山
等二十五州縣四十年分前經酌緩十分之五錢
糧全行蠲免

乾隆四十二年正月二十四日奉

上諭內開朕本欲俟恭祝

聖母九旬萬壽之年再溥恩施一次茲值

仙馭升遐此後更無可推廣

慈仁之處現在部庫帑項又積至七十餘萬着再加恩自

戊戌年爲始普蠲天下錢糧仍分三年輪免欽此
部議請照乾隆三十五年例分作三年辦理四川
省地丁錢糧於戊戌年全行蠲免

乾隆五十五年元旦奉

上諭內開今歲屆朕八旬壽辰着將乾隆五十五年各

營山縣志

卷十一

食貨志

五

直省應徵錢糧通行蠲免欽此部議四川省於辛
亥年輪免龍安茂州松潘保甯順慶潼川資州七
屬

乾隆六十年十月初八日奉

上諭內開今朕紀年慶符周甲丙辰元旦舉行歸政典
禮爲嗣皇帝登紀初元著將嘉慶元年各直省應
徵地丁錢糧通行蠲免欽此部議四川省保甯順
慶潼川等處於丙辰年輪免
嘉慶三年奉

上諭內開據督部堂勒具奏營邑被賊滋擾耕作失時民情拮据蒙加

恩將應徵本年地丁錢糧一體寬免

嘉慶四年奉

上諭內開據督部堂勒查明奏到營邑自賊匪蹂躪以來被難災黎生計維艱著加

恩將本年地丁錢糧全行豁免

嘉慶五年奉

上諭內開營邑復被賊擾民逃戶徙顛沛流離查明奏

營山縣志

卷十一

食貨志

六

准將本年地丁正閏耗錢糧全行豁免

嘉慶六年奉

上諭內開營邑上年被賊滋擾地方耕種失時

聖恩矜恤將本年地丁錢糧全行蠲免

嘉慶八年奉

上諭內開營邑民人誼切同仇情願續輸津貼以備賞需之用甚屬急公著加

恩蠲免本年地丁十分之一

嘉慶二十四年三月二十五日奉

上諭查無積欠之四川省著將明年正賦寬免十分之

二

營山縣志

卷十一

食貨志

七